

# यहूदा

**1** यहूदा केर ओरि ते जउन यीसु मसीह कइ दासु अउर याकूब कइ भाई हैं, उइ बुलावा हुवै कैइ नाम जउन परमेसुर बाप म पिरय अउर यीसु मसीह कइ खातिर सुरच्छा म है।

<sup>2</sup>दया अउर सान्ती अउर पिरेम तुमहीं को जियादा मिला हय।

## पाप दण्ड आदेसु अउर परमेसुर रहित मनई

<sup>3</sup>ऐ पियारे, जबै हम तुमका ई उद्धारु कइ बारे मा लिखन म बहुति मेहनत ते तय्यार करित रहै जउन म हम सबन सहभागी भवा, मुला हम तुमका ई समुझावा जरुर चाही कि उइ विसवासु कइ खातिर पूरी कोसिस कीन करौ जउन पवित्तर लोगन क एक ही बारी सौंपन गवा रहै। <sup>4</sup>काहे ते कई अइसन मनई चुपके ते हम मा आ मिलिहइं। जिके ई दण्ड केर बारे मा पहिलेन ते लिखा गवा रहै। ई भक्तिहीन दय, अउर हमार परमेसुर केर अनुग्रह केर लुचपन मा बदल डारति हइ, अउर हमार एक मातर स्वामिन अउर परभु यीसु मसीह का इनकार करति हइ।

<sup>5</sup>पर जदपि तुम सबन बात का एक बारि जानि चुकै हौ, तबहिनो हम तुमका ई बाति केर सुधि दिलावत चाहीं कि परभु ने एक कुल को मिसर देस ते छुड़ाई केर बादि विसवासु न लावन वालेन क नासु करि दीन। <sup>6</sup>फिर जउन सरगदूतन ने अपन पद को स्थिर न राखि, मुला आपन निवासु क छाड़ि दिहिन, उइ ने उइन क भी उइ बुरे दिनन कइ न्याय के खातिर अन्धकारु मा जउन सदा काजु कइ खातिर बन्धन मा राखि रहै। <sup>7</sup>जउनी रीति ते सदोम अउर अमोरा अउर उइ कइ आस—पासु कइ नगर, जउन ई केर तना बेभिचारी होइ गयन रहेन अउर दूसर सरीर कइ पाछे लागि गयन रहै आगि कइ अनन्तु दण्ड म परी केर दिरिस्टान्त ठहरी।

<sup>8</sup>उइ रीति ते ई सपन देखन वालेन अपन—अपन सरीर का असुद्ध करति हइ, अउर परभुता कइ तुच्छ

जानति हय, अउर ऊंची पद वालेन को बुरा भला कहति हय। <sup>9</sup>मुलाकि परधान सरगदूत मीकाईल जबै सैतान मूसा कइ लोथ के बारे म झमेला करति रहै, तउ उइ कइ बुरा—भला कहि कइ दोसु लगावै कै साहसु नाहिन किहिन, पइ ई कहिस, कि परभु तुमका डांटी। <sup>10</sup>पइ ई लोगन जउन बातन कइ नाई जानत है, उइ कइ बुरा—भला कहित हय, पइ जउन बातन क अचेतन पसुवन कै तना सुभाउ ही ते जानित हय, उइन म अपन को नासु करति हय।

<sup>11</sup>उइन पइ हाय! कि वे कैन की तना चलति हय, अउर मजदूरिन खातिर विलाम की तना भरस्ट होइ गये हय अउर कोरह की तना विरोधु करि कै नासु होइ गवा हय।

<sup>12</sup>ई तुम्हार परेम समान म तुहार साथु खाति पीयत, समुंदर म छिपी भई चट्टान की तना हय, अउर बेधड़क अपन ही पेट भरेन वोलेन हय, उइ पानी बिन बादल हय, जिका हवा उड़ाई लै जावत हय, पतझर कइ बिनु फल केर पेड़ हय, जउन दुसरी बार मरि चुकै हय, अउर जर ते उखाड़ि गये हय। <sup>13</sup>ई समुंदर कइ परचंड हिलकोरै हय, जउन अपन लाज कइ फेन उछालत हय: ई डाँवा डोलि तारे हय, जेहिके खातिर सदा कालु तक घोर अँधेरु रक्खा गवा हय।

<sup>14</sup>अउर हनौकौ जउन आदम ते सातवीं पीढ़ी म रहै इन कइ बारे म ई भविसवानी किहिन, कि देखौ परभु अपन लाखन पवित्तरन केर साथे अइहै। <sup>15</sup>कि सबन कइ नियावु करै, अउर सबन भक्तिहीनन क उइ केर अभक्ति केर सबन कामन का बारे म जउन उनहिन भक्तिहीन होऊ के कीन हय, अउर उइन सबै कठोर बातन कइ बारे म भक्तिहीन पापिन ने उनकै विरोधु म कहिन हइ, दोसु ठहरावा जाई <sup>16</sup>ई तौ असन्तुस्ट कुड़कुड़ान वालेन अउर अपन बुरी इच्छानुसार चलन वालेन हय अउर अपन मुँह ते घमंड की बातन बोलत हइ, अउर वहि अपन लाभु कइ खातिर मुँह देखिन बड़ाई करत हई।

**हमार रच्छक केर बुलाहट**

<sup>17</sup>पइ ऐ पियारों तुम उइन बातन का याद राखौ, जउन हमार परभु यीसु कइ परेरित पहिलेन कह चुकिन हय। <sup>18</sup>वहि तुमते कहत रहै, कि पिछले दिनन मा अइसन ठट्ठा करै वालेन होइहै, जउन अपन अभक्ति कइ अभिलासन के मुताबिक चलति रहै, <sup>19</sup>ई तो वही आंय जउन फूट डालत हय, ई सांसारिक लोगन हय, जउन मं आतमा नाहीं।

<sup>20</sup>पइ ऐ पियारों, तुम अपन बहुते पवित्तर विसवासु मा अपन तरक्की करत रहव, अउर पवित्तर आतमा म पराथना करति रहौ। <sup>21</sup>अपन आप का परमेसुर कइ पिरेम म बनाइ राखौ, अउर अनंत जीवन कइ खातिर हमार परभु यीसु की दया केर आसा द्याखत रहौ।

<sup>22</sup>अउर उइन पइ जउन संका म है दया करौ। <sup>23</sup>अउर बहुतन क आगिन म ते झपटि केर निकारो, अउर बहुतन पइ डर केर साथु दया करौ, वरन उइ कपड़नौ ते भी घिना करौ, जउन सरीरन केर जरिये कलंकित होइ गवा हइ।

**परमेसुर केर तारीफ**

<sup>24</sup>अबै जउन तुमका ठोकरि खाय ते बचा सकति हय, अउर अपन महिमा की भरपूरन कइ सामने मगन अउर निरदोसु करिकै ठारी केर सकति हय। <sup>25</sup>उइ अदवैत परमेसुर हमार उद्धारकरता की महिमा, अउर गौरव, पराकरम, अउर अधिकार, हमार परभु यीसु मसीह केर जरिये जइसन सनातन कालु ते हय, अबै तलक होइ अउर जुगन—जुगन रहै। आमीन।